

IPKO CU VARIOS CONCLUSION


MESTER EVITA CU E PAISNAN EN BES DI GANA BIENESTAR TA BIRA MAS POBER



**GOBIERNO TA CANTA
TRIUNFO SIN SPLICA
KI GASTO E ACUERDO
NOBO CU LOTTO TA
NIFICA PA ARUBA**

**FIGURANAN
PROMINENTE DEN
SOCIEDAD VICTIMA DI
'CHANTAHE SEXUAL'**

**CASO CIVIL ANDANDO FOR DI 2017
NEGOSHINAN MANRIQUE
CAPRILES A LOGRA
'GET RID' DI NAN
DIRECTOR NA ARUBA**



The #1 Payroll & HRM Software in the Caribbean



- Easy to Use & Always Accurate
- Complete Integration of HRM & Payroll
- 24/7 Support from Local Specialists
- On-premise or Cloud
- All Types & All Sizes of Companies incl. Government

Tel. 583-7072 | info@vcc-int.com | www.vcc-int.com



VCC
International NV

**REAL SOFTWARE
REAL SUPPORT**
www.vcc-int.com

Gobierno ta canta triunfo sin splica ki gasto e acuerdo nobo cu Lotto ta nifica pa Aruba

No solamente Minister encarga cu Deporte Endy Croes pero tambe Prome Minister Evelyn Wever Croes a sali pa alaba e logro pa cu Lotto pa Deporte.

Durante un conferencia di prensa dialuna mainta di e mandatario hasta a presenta un video di prome minister unda e ta felicita su colega. “E e no tabata un proceso facil sino uno cu a consisti di hopi aña di dialogo y negociacion, pero sinta na mesa cu pasenshi y positivismo a logra na Februari 2023, firma un contract nobo den beneficio di nos deportistanan. A termina e contracto desbentahoso y asina LOTTO ta bira bek pa deporte na Aruba. Y tambe a logra rebaha e “Management Fee” di CBN di 23.5% pa 8.25%.”

E prome minister a expresa cu Aruba lo bay mira un epoca nobo habri pa deporte, na unda cu lo tin mas fondo disponibel pa tur e muchanan y e hobennan cu kier practica deporte. Pa un tempo ainda, Gobierno lo mester sigui haci apelacion riba comunidad pero pronto lo bay tin cambio, y lo mira e fondonan wordo inverti pa asina crea mas oportunidad y posibilidad sano di distraccion pa e muchanan y hobennan.

Si lesa e otro declaracion conhunto di e tres partidonan involvi y tampoco den declaracion di Ministernan primo Croes no ta menciona kico e acuerdo ta encera. Tur kico ta keda pa responsabilidad di Gobierno y kico ta keda pa responsabilidad di e Canadesnan.

Asina segun por a compronde extraoficialmente, cu mayoria di e trahadonan ta pasa over tambe pa responsabilidad di e Lotto nobo (bou di encargo di Aruba). Pues esaki ta gasto cu e Fundacion den man di Aruba lo mester tuma over. Pero banda di esaki, tur e prestamonan cu e grupo Canades a



haci pa salba Lotto añanan atras tambe a wordo regala na e Lotto den man di Aruba.

Esaki ta nifica cu Aruba ta haya un responsabilidad nobo, bou di e Lotto den man di Gobierno pa paga. Pues un gasto adicional. Pa e gastonan adicional aki, e grupo Canades a bay di acuerdo, mirando cu nan ta kitando tur problema y gasto for di nan lomba pa baha nan fee di ganashi na 8%. Pues ningun dolor di cabes, cu a pasa pa Lotto cu ta den man di Aruba. Cu otro palabra, e loke cu Aruba ta bay haya awo cu e Lotto den nan man ta mas placa, pero

tur e gastonan tambe. Esaki ta nifica cu mucho placa no ta bay resta pa subsidia organisacionnan deportivo, manera ta e deseo di Minister Endy Croes. Y aki ta caminda e rabo di porco ta crul.

Loke cu a haya straño ta cu ningun representante di e grupo Canades no tabata presente pa duna un splicacion di kico e acuerdo ta encera. Pasobra di e contestanan di Minister Croes, ta parece cu e mes no tabata mucho na altura di contenido di tur negociacion, ya cu sea cu el a desvia di su contesta riba preguntanan haci of no tabata por a contesta esakinan.

IPKO cu varios conclusion

Mester evita cu e paisnan en bes di gana bienestar ta bira mas pober

Siman pasa a tuma luga e reunionnan di IPKO, esta 'Interparlamentair Koninkrijksoverleg' 2023 cu a tuma luga na Corsou y cu sin duda algun punto mas interesante a bin dilanti pero historia di e reunionnan aki, ta mostra cu por lo general no tin follow-up, principalmente door di gobierno di Den Haag. Ora cu analisa e lista di palabracionnan cu a ser formula despues di e reunion aki, tin varios punto cu ta hala atencion, caminda AWEMainta ta pone atencion na e punto cu a ta carga e titulo di: "Armoedebestrijding en werkgelegenheid."

E lista di conclusionnan forma ta mostra lo siguiente: "Er is de afgelopen jaren sprake van een tendens van verarming van de bevolkingen. Er wordt wel gesproken van een triple crisis: de gevolgen van orkaan Irma, het sluiten van de grenzen met Venezuela en de COVID-pandemie. De bedragen waar veel mensen van moeten rondkomen, zijn onthutsend laag."

Ta increibel pa tuma nota di e ponencianan aki, caminda tin Parlamentarionan di Tweede Kamer presente y kendenan ta confirma e señalnan serio aki pero den mesun rosea ta papia di un 'hervormingsagenda' y na mes momento ta mostra cu e temanan di pobresa y labor, no ta temanan independiente di e agenda aki.

Sint Maarten na 2017 a wordo practicamente destrui pa horcan Irma mientras cu principalmente Corsou y Aruba a wordo afecta pa ceramento di frontera cu Venezuela pero pandemia a dal no solamente e tres islanan di Caribe fuertemente pero henter mundo, incluso Hulanda. Na e momentonan aki ta stipula cu Aruba y otro islanan tin cu paga e debe aki bek na luna di October, caminda hasta menasa ta cay pero tin otro paisnan cu tambe Hulanda a yuda den e tempo dificil ey, pero cu no ta wordo pone den un preta asina serio.

Awor ta mesun delegacion di Hulanda aki, cu pa gran parti ta sostene gabinete Rutte, ta papia di "verarming, werkgelegenheid" y tambe di un "onthutsend laag inkomen" pa nan sobrevivi pero ta mesun gobierno di Den Haag hunto cu CAft ta sigui insisti pa gabinete Wever Croes, sigui ranca placa di mesun pueblo aki cual nan mes ta confirma cu entrada di pueblo ta hopi abou Bonaire cu ta cay bou di Hulanda y no a participa na IPKO, pero tambe siman pasa a bira conoci cu 40% di hendenan riba e isla ta pasando den pobresa serio anto e isla aki ta un gemeente di Hulanda.

ALENTADOR

Sin duda ta hopi alentador pa tuma nota cu entre otro a discuti



riba puntonan cu ta di vital importancia pa Aruba y cu den e "afsprakenlijst" ta para lo siguiente:

"De werkloosheidscijfers zijn niet helemaal up-to-date, maar een percentage tot 10% is zeker realistisch. De jeugdwerkloosheid ligt op een nog hoger niveau. Een voorbeeld hiervan uit de hervormingsagenda wordt gevormd door de bezuinigingen in de gezondheidszorg, waardoor mensen met de laagste inkomens in voorkomende gevallen hun medicijnen niet meer kunnen betalen."

Pues parlamentarionan Hulandes mester por informa gobierno di Den Haag cu loke nan ta haciendo cu tur e "hervormingsagenda" ta soluciona e situacion financiero pero di otro banda ta creando mas y mas pobresa.

IPKO a papia di reduccion den cuida medico, confirmando cu ciudadanonan di entrada abou, ta hendenan cu lo no por paga pa haya medicina apropia pa atende cu nan salud.

Riba e punto aki e conclusion di IPKO ta mostra riba un berdad peligroso y serio cu tanto gobierno di Aruba y di Hulanda tin cu atende a corto plaso: "De oproep vanuit deelgroep 2 is dat het belang wordt onderkend van eigenaarschap en flexibiliteit van alle betrokkenen ten aanzien van de armoedebestrijding. Voorkomen moet worden dat na een paar jaar moet worden geconcludeerd dat de landen en hun bevolkingen armer zijn geworden in plaats van welvarender."

Un conclusion cu ya ta visibel caba ya cu Hulanda kier regla cosnan den su estilo pero cu no ta estilo y tradicion di e islanan Caribense.



Mirrors Beauty Academy ta ofrece e siguiente servicionan

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Figuranan prominente den sociedad victima di 'chantaje sexual'

For di diabierna ultimo 3 di Maart, autoridadnan policial a detene cinco persona, involvi den un investigacion grandi di 'blackmail' di sinberguensanan cu ta presiona varios hende den comunidad, pa saca placa for di nan cu 'pics' sexualmente cu a wordo intercambia cu algun persona.

Diabierna a detene dos muhe uno di nacionalidad Venezolano y un otro di nacionalidad Dominicano, mientras cu tambe a detene dos homber Arubiano kendenan ta sospechoso principal den e caso aki conoci como "sexting."

Sexting ta algo cu ta existi pa hopi aña caba, caminda tin intercambio entre dos persona di fotonan sunu di otro, fotonan di personanan den un of otro accion sexual caminda nan cara ta na bista pero antes esaki ya caba tabata existi pero via di e-mail caminda ta manda material di un hende pa otro.

Despues e 'tradicion' mas tanto a base di confiansa, a sigui na momento cu WSP a bin na moda y e intercambionan aki tabata tuma luga via di celular cu te dia di awe ainda ta tumando luga na gran cantidad.

Den pasado tin casonan caminda a haci denuncia y na Spaña aña pasa a introduci un ley caminda un sospechoso cu plama foto sunu di un otro persona sin permiso, lo por ricibi un castigo di prizon di cuater aña.

E serie di detencion di diabierna ultimo tabata en parti gran sorpresa ya cu tin keho den pasado entrega contra tiponan cu ta kibra un palabracion cu nan pareha of amigo, caminda nan ta plama e fotonan sunu aki pa amigo- y conoci nan cu despues ta sigui distribui esaki na nan amigo y conoci nan.

E biaha aki e situacion a bira mas serio ora cu a bin sali afo cu tin un grupo di 'criminal' ya cu no por yama nan otro cos, ta abusando di confiansa di hendenan den comunidad pa medio di presion cu ta conoci como "chantaje" caminda ta

exigi hopi placa for di victimanan di e abuso aki, ya cu di otro forma nan lo publica e fotonan aki.

No algo nobo, esta e falta di confiansa aki ya cu den parehanan cu tabata solido den relacion pa algun aña, ora cu e relacion termina ta surgi e tipo di menasanan aki y hasta pa vengansa un di nan a manda fotonan sunu rond di nan ex pareha.

Na un di e casnan caminda autoridadnan a bin haya un suma di miles di florin cu lo por ta parti di e placa cu a wordo paga na e grupo aki, cual si ta corecto, a chantahia cantidad di hende y sigur hendenan cu den bista di pueblo, ta bon conoci y di bon reputacion.

Ayera a ser informa cu den e victimanan tambe lo tin funcionario halto di banco, lo tin un figura religioso tambe y pa completa obra un oficial di polis kendenan tur lo tabata victima di e grupo di abusado nan aki.

E informa aki ainda AWEMainta no por a confirma ya den un caso di investigacion asina delicado, ta dificil pa e tipo di informacionnan aki bira publico locual lo evita cu mas victima lo tin curashi di bin dilanti pa entrega keho, sabiendo cu nan identidad pa cual nan lo por a paga basta placa, tog ta bin den publicidad.

E tipo di casonan aki mester ta un advertencia pa tur hende, pa no confia ni bo pareha ciegamente cu e tipo di cosnan aki, ya cu ya ta conoci cuanto problema entre parehanan cu ta laga otro, pues e confiansa di saca foto sunu, por converti su mes den un arma serio despues si e relacion kibra despues.

Ta di spera cu polisnan rol op e banda aki pa e daño cu nan ta ocasionando na hopi hende, hortando nan placa den un forma asina baho, asina cobarde.

Caso civil andando for di 2017

Negoshinan Manrique Capriles a logra 'get rid' di nan director na Aruba

Den un veredicto manera un letania cu hues mr. Gerard di corte den prome instancia a dicta den un caso pa retira director dje conglomerato comercial, nan abogado a logra cu Manrique Capriles Management B.V y Manrique Capriles & Sons (Aruba) porfin a logra 'get rid' di nan director na Aruba na final di un caso cu a cuminsa for di 2017 den corte.

No solamente e caso a dura largo, e tabata complica di tal forma cu hasta hues a constata cu no por a trata e caso di acuerdo cu reglanan di proceso.

Tabatin un letania di complementacion, argumento y finalmente hues mester a traha cu yen

paki di documento masha inaccesibel.

Tabatin violacion di cantidad procedura cu tabata crusa orden procesal. Pa por a traha cu e caso aki, tabata asina complica cu despues di tanto aña awor numa por a dicta veredicto. Manrique Capriles tin negoshi na Corsou, Aruba, Sint Maarten y Surnam sin otro socio. E companianan ta haci negoshi cu instrumento medico y tecnico, remedi, productonan farmaceutico y cosmetica.

Na october di 2005 e doñonan a contrata un director pa e compania na Aruba na aña el a haya tarheta di credito di trabou cu e tabata uza pa su cosnan personal tambe. Na juni di 2011 e doñonan a firma contract cu e director pa tempo indefini como director general pagando un salario di 18.750 florin pa luna. Na mesun tempo e doñonan a nombra un director financiero pa raporta con cos ta anda financieramente. E contract tabata pa cinco aña.

Otro hefe temporal pa Warda Nos Costa

Ewega di chanchuyo cu tin na Warda Nos Costa no ta sirbi e departamento aki pa nada. No tin un estabilidad den loke ta mando di e departamento importante aki.

Ta parce cu cada bes un Gobierno bini ta pone otro persona y despues cu otro yega, ta cambia e top pa atrobe hinca un persona nobo eyden. A dicidi di core cu Richard Kramers, y aunke cu el a gana caso den Corte, no a pone bek den e posicion pero a dicidi di pone un funcionario di Cuerpo Policial sra. Suzy Nadal. Prome cu esey a pone Irma Gordon na e posicion ey temporalmente, pero e no a duna resultado pa cual probablemente a haci e cambio aki.

Pero e departamento no a conoce mucho estabilidad den su mando. El a conoce varios hefe caba inclusive Trudy Hassell cu na dos ocasion a lidera e departamento.

**NOTICE****ALL SAGICOR LIFE OFFICES**

**THURSDAY MARCH 9TH &
FRIDAY MARCH 10TH, 2023**

We wish to advise our valued clients and the general public that in order to facilitate an important team meeting, all Sagicor Life and Lyder Insurance Consultants offices will close at **12:00 noon** on **Thursday March 9th, 2023** and will remain closed all day on **Friday March 10th, 2023**.

Regular business hours will resume on **Monday March 13th, 2023**.

We apologize for any inconvenience and encourage our clients to continue utilising our convenient online options.


Sagicor
LIFE

FLPD ta anuncia acuerdo nobo cu socionan

Fundacion Lotto pa Deporte ('FLPD'), Canadian Bank Note Company, Limited ('CBN'), y Canadian Bank Note (Aruba) N.V. ('CBNA') ta anuncia di a cera un Technology and Management Support Agreement nobo cu ta posiciona Lotto pa cumpli cu e futuro rekisitonan pa loteria cu e Landsverordening toezicht kansspelen ('Ltk') ta bay trece cu ne.

Sigurando Lotto su cumplimento cu e Ltk ta clave pa e continuacion di su exito y su sirbimento di e bon causa y e proposito social di FLPD. E acuerdo nobo entre FLPD, CBN y CBNA ta percura pa un base solido pa e proximo pasonan necesario.

CBNA ta operando Lotto cu hopi exito desde 2012 y a engrandecede e loteria significativamente durante e añanan aki.

Partidonan a hiba combersacionnan y negociacionnan durante e ultimo año, cu a resulta den un areglo y acuerdo nobo cu lo mira responsabilidad operacional pasa bek pa FLPD mientras e operacion ta sigui na beneficio di e aporte tecnico y gerencial di CBNA y CBN por medio di un contract di servicio. E terminonan di e acuerdo nobo lo reduci gasto y maximalisa e contribucion na deporte mientras cu e confiabilidad y balor di entretenimento di Lotto ta wordo preserva.



E acuerdo nobo lo keda implementa despues cu algun condicion contractual wordo cumpli cu ne. Partidonan ta premira cu e proceso aki lo keda completa dentro di algun luna.

Den e areglo nobo, tin empleado local di CBNA cu lo keda traspasa pa FLPD. E derechonan cu e empleadonan aki a acumula durante nan añanan di servicio cu CBNA lo keda reconoci pa FLPD.

CBN y su empresanan afilia ta proveedornan di confiansa di FLPD y Pais Aruba desde 1999. Partidonan ta motiva pa evoluciona nan relacion na beneficio di e publico Arubiano, y su comunidad deportivo en particular, mientras cu nan lo traha riba e pasonan necesario pa implementa e acuerdo nobo.

Minister Geoffrey Wever:

Balor di importacion a subi cu AFL 500 miyon den 2022

Minister di Asuntonan Economico, Comunicacion y Desaroyo Sostenibel, mr. Geoffrey Wever, ta informa cu Oficina Central di Estadistica a publica informacion di cifranan di importacion y exportacion pa 2022.

Aruba como economia chikito ta importa mayoria productonan cu cada un di nos ta cumpra den supermercado of tienda. Ta trata di entre otro productonan pa uzo diario manera cuminda y paña te material di construccion.

E productonan ta yega Aruba via barconan of avionnan di diferente paisnan y ta destina pa produccion y consumo local of Freezone. Tur productonan ta wordo categorisa den seccionnan manera por ehempel productonan alimentacion.

Den 2022, e balor di productonan importa a yega un suma total di AFL 2.6 biyon. Di e suma aki, AFL 2.5 biyon ta destina pa produccion y consumo local y AFL 149 miyon via Freezone pa exportacion. Si compara esaki cu 2021, e balor di importacion a subi cu AFL 500 miyon florin. Un motibo pa e subida aki ta e prijsnan halto di productonan cu Aruba ta importa.

Inflacion den mercadonan internacional ta wordo importa tambe.

E data over di importacion y exportacion ta brinda e oportunidad pa haci analisis over di ki tipo di producto ta wordo mas importa for di un pais. Den 2022 e top 5 di productonan importa ta diesel y gasolin, joyanan, medicamento entre otro pa benta na consumidor, bebidanan cu sucu y keshi.

Ministerio di Asuntonan Economico, Comunicacion y Desaroyo Sostenibel ta monitor continuamente desaroyo di importacion y exportacion di productonan y su impacto riba economia di Aruba. Di januari te cu december 2022 e balor di importacion total a yega AFL 2.6 biyon compara cu AFL 2.1 biyon di januari te cu januari 2021. Aunke e balor di importacion den 2022 a surpasa loke Aruba a importa prome cu pandemia (2019), e peso total di importacion no a yega e nivel di 2019 ainda.

Pa mas informacion over di cifranan di importacion y exportacion di nos pais por bishita e website www.cbs.aw

Eric Ras (Curpa):

Aruba ta nabega den lamanan bruto sin un capitan cu sa kico pa haci

Aruba ta manera un barco sin capitan. No ta un secreto cu pueblo no tin confiansa den e gobierno aki. Un gobierno cu ta papia hopi pero no ta haci locual cu nan ta bisa. Nos por mira cu den 5 aña di gobernacion di partido MEP nos isla ta cana manera cangreu coho, esta ta bayendo atras pa un gobierno cu no sa kico pa haci. Un cos cu gobierno ta bon den dje ta biaha, fiesta y core den auto bunita.

Nos enseñansa ta bay atras, a para trabao na hospital, no ta soluciona e waterzuiveringsinstallatie esta Bubali plas, empleadonan publico ta malcontento paso ta sigui cobra un loonbestaling halto, no tin lugar na KIA, salud mental no ta haya atencion y esnan cu mester ayudo ta riba caya. Polisnan ta malcontento, brandweer y douane no ta haya atencion. Gobierno ta sinta man crusa y ta sinta riba un time bom.

E strategia cu ta wordo uza pa gobiernonan rond di mundo ta dividi pa despues konkista. E strategia aki a fracasa paso pueblonan no ta acepta e plan di e metanan di desaroyo sostenibel mas. Pueblonan a cansa di e gobiernonan comunista y poco poco pero sigur e gobiernonan comunista nan fin ta yega.

Con por ta posibel cu 2 aña tin un rapport scondi riba e mal estado di planta di purificacion na Bubali y te cu awe nada no ta wordo haci? Gobierno mester stop cu gañamento y pone man na obra. Si gobierno no por soluciona e problema anto nan mester bay gobernador y entrega nan retiro. Gobierno ta hungando cu e unico pilar di nos economia. Si mira den weekend awa sushi dilanti di hotelnan grandi e cos aki ta inacceptabel.

Nos tin un di e mihor beachnan na mundo pero cu e desastre di e gobierno cu nos tin, no tin proteccion pa nos beachnan. Locual cu gobierno ta haci ta destrui nos isla y esaki ta e plan di metanan di desaroyo sostenibel goberna cu su lema: "lo bo no tin nada y lo bo ta feliz".

Si husticia di un pais no ta haya su atencion ta paso gobierno kier caba cu nos democracia. Asina ta pasa den paisnan cu a cay den man di gobiernonan comunista. Ora bo sistema hudicial cuminsa faya henter bo pais ta bay malo. Nos por mira cu tur logro pa e polisnan ta danki na e sindicato cu ta pone accion y solamente asina nos cuerpo policial ta haya

su atencion.

E scarsedad di polis no ta di awor sino for di 2013 y 2014 den gobierno di AVP cu no tabata tin opleiding pa polis y e situacion a bira pio den e gobierno di MEP. Nos por mira berdaderamente cu Dios su palabra ta real paso ora bo no sembra lo bo no por cosecha. Polisnan ta bahando cu pensioen pero gobierno no ta worry cu seguridad di nos pueblo. Riba dje kier habri frontera. Kico gobierno kier haci? Trece mas Hulandes den nos cuerpo policial? Habri frontera manera Hulanda y laga nan yiu di tera muri di hamber?

Enbes di pone tanto energia riba un matrimonio di mesun sexo gobierno mester pone enfasis na goberna nos isla na bienestar di nos tur. Si Dios no ta den nos gobierno no por tin husticia p'esey awe nos ta mira asina hopi inhusticia ta tumando lugar. Gobierno ta bay corte di casacion pero nos Parlamento ta prepara pa ricibi e ley di matrimonio di mesun sexo.

Aruba su partidonan politico den Parlamento no ta sali na defensa di e famia. Partidonan MEP, AVP, RAIZ, MAS y Accion21 lo vota na favor di e ley aki cu entre 16 na favor y 5 contra. E metanan di desaroyo sostenibel ta contra di e nucleo familiar. Nos di partido Curpa y pueblo su wowonan ta hancho habri y lo castiga e partidonan politico aki den e proximo eleccion.

Pueblo di Aruba sa cu e unico partido politico cu for di 2016 ta hiba un lucha pa e famia ta partido Curpa. Un partido Cristian y cu ta pro e famia. E veredicto di corte na Panama ta bisa cu e matrimonio di mesun sexo no ta un derecho humano. A uza e mesun veredicto di Strasburg di e 47 huesnan cu ta papia cla.

E pueblo Hulandes ta bay urna electoral dia 15 di maart 2023 y nos por mira cu e accion di e agricultornan lo bay haci un cambio grandi den e resultado di eleccion. E agricultornan di Belgica ta hibando mesun lucha contra e gobierno di Belgica cu tambe ta wordo goberna pa world economic forum. E mesun world economic forum aki ta pusha pa e matrimonio awor cu animal na Spanje. Nan ta pusha tambe esun di pedofilia.

Pueblo di Aruba nos Victoria ta na caminda. Nos ta sirbi un Dios cu ta haci tur locual ta imposibel pa hende bira posibel.

mr. dr. Ryçond Santos do Nascimento:

Dolor mas grandi di nos pueblo a keda pafo di e landspakket

Pa parlamentario mr. dr. Ryçond Santos do Nascimento tabata un berguensa cu mester a bay IPKO (Interparlementaire Koninkrijksoverleg) pa parlamentarionan Hulandes confirma locual AVP a bin ta bisa, esta cu Gabinete Wever-Croes II a firma pa un landspakket cu no ta tene cuenta cu e preocupacionnan di nos comunidad.

“Ta un berguensa cu e landspakket aki no tin curason,” esey ta, segun Santos do Nascimento, un hecho cu a keda reconoci y estableci door di e delegacionnan cu Aruba, Corsou, St. Maarten y Hulanda como un di e resultadonan di e encuentro siman pasa na Corsou. “E landspakket no tin como topico, por ehempel, pobresa; no tin como topico poder di compra; no tin como topico e parti di salud publico conecta cu medio ambiente, conecta cu nos problematica di e maneho di desperdicio y proteccion di naturalesa,” e parlamentario di AVP a indica.

E motibo di esaki ta simpel, segun Santos do Nascimento, e ta falta di dialogo. E landspakket no ta basa riba un democracia berdadero, pasobra democracia ta rekeri di un dialogo den



bo comunidad pa e ora bo fiha kico ta e deseo di un pueblo, kico ta e aspiracionnan di un pueblo; unda e pueblo kier bay cu su futuro.

Esey no ta e landspakketnan y ey bo ta wak cu loke partido AVP a bin ta bisa, esta cu e landspakketnan aki ta e problema. “Pasobra nos mester tin problema cu full e pensamiento cu un par

di hende por bay dicidi kico ta importante pa un pueblo. No ta asina democracia ta traha. Democracia ta traha ora cu pueblo ta bisa bo unda e dolor ta,” Santos do Nascimento a afirma.

E dolor di e pueblo di Aruba ta su cartera y su salud. Lamentablemente e aspecto aki ta completamente perdi for di e landspakketnan.

Colegio San Augustin
Mavo ta presenta:

Science Fair y Celebracion di Himno y Bandera

Diabierna 10 di Maart Colegio San Augustin lo presenta su Science Fair combina cu un tremendo Celebracion di Himno y Bandera. Nos kier a haci un invitacion na pueblo di Aruba en general pa ta presente y asina disfruta di un atardi y anochi yena cu entretenimento (declamacion di poesia, baile y canto). Nos lo tin standnan caminda lo presenta diferente snacks crioyo. Esaki a forma parti di un proyecto cu alumnonan di nos scol mester presenta cu ta inclui e materianan Arte, Religion y papiamento. E science Fair ta toca e materianan Natuur y Scheikunde. Lo culmina e anochi cu presentacion di Jonathan Croes, cu ta un Ganado di Festival di un canto na Aruba su Himno y Bandera.

Nos ta spera di por conta cu boso presencia.

Gerlien Croes:

Dos aña despues AVP ta hayando rason

Landspakket no ta loke a wordo bendi door di gobierno y tur otro partidonan politico

Nos ta finalisa un IPKO caminda, despues di dos aña, partido AVP ta haya rason cu gobierno di Aruba a firma un landspakket cu, en realidad, no ta treciendo beneficio desea pa e pueblo. AVP a ilustra bon cla cu no tabatin un participacion debido di parlamento den e proceso pa percura e miho interes di nos pais. Un ehempel ta cu na e momento aki tin reformanan den salubridad publico cu ta causando mas pobreza, mientras como prioridad discusion ta wordo hiba ariba topico di proteccion di data di ciudadanonan.

Den e conclusionnan di IPKO, mr. Gerlien Croes hunto cu coleganan parlamentario di AVP a uni na otro parlamentarioman den Caribe Hulandes pa resalta e punto cu parlamento di e islanan no por keda solamente wordo informa despues cu decisionnan wordo tuma pa leynan of acuerdonan cu gobierno ta haci na nivel di reino.

Croes: “Nos no ta contra pa bin cu reforma, pero awe ta wak cu e landspakket no ta funciona manera cu el a wordo bendi door di gobierno di Aruba y apoya door di tur otro fraccion den parlamento y partido politico.” Dos aña pasa tur a punta dede riba AVP como esun cu no sa di kico e ta papia, mientras cu awe na nivel di reino; den reunion interparlamentario, ta confirma cu e landspakket no ta funcionando manera ela ser bendi na comunidad.

Otro punto cu e parlamentario ta trece dilanti ta cu no tin un aspecto financiero mara na dje pa haci reforma. T’asina cu den delegacion di Aruba mes, tur ta di acuerdo cu landspakket no ta funcionando y hasta Hulanda a declara cu e parlamentonan di e paisnan aki mester tabatin hopi mas di bisa den e proceso y dicidi den e proceso.



FACEBOOK:

Gobierno y tur otro partido politico na Aruba a bende comunidad un landspakket cu no ta funcionando. Parlamentarionan Hulandes mes ta admiti cu e parlamentonan mester tin mas di bisa den decisionnan asina grandi pa comunidad y cu dialogo y flexibilidad ta necesario den tur proceso di reforma.

INSTAGRAM:

Nos no ta contra pa bin cu reforma, pero awe ta wak cu e landspakket no ta funciona manera cu el a wordo bendi door di gobierno y otro partidonan politico na Aruba

March 18
Dia di Himno
y Bandera

Pina colada 10.50 Awg	Balashi bucket 23 Awg	Veggie Paella 10.50 Awg
---------------------------------	---------------------------------	-----------------------------------

BONNY'LICIOUS cocktails & tapas

APPAREL

BOAT ACCESSORIES

TOD-MAR

f TodomarAruba
@TodomarAruba
TodomarAruba
+297 585 0555

FISHING TACKLE

FIBERGLASS PRODUCTS

Resumen Weganan Deporte Escolar Luna di Januari y Februari



Luna di januari y februari tabata tin varios actividad deportivo pa scolnan di Aruba, varios weganan a tuma luga na diferente centro deportivo. Algun di e ramonan di deporte aki ta bay competi pa e gran final di weganan escolar WE Aruba 2023.

Final Trefbal:

Den luna di januari a tuma luga final di trefbal mucha muhe den Centro Deportivo Libertador Betico Croes caminda cu scolnan cu a clasifica pa final a enfrenta otro.

Na prome luga a keda Scol Basico Washington, na di dos luga a keda St. Paulus School, na di tres luga a keda Colegio Sagrado Curazon y na di cuater luga keda Colegio Felipe B. Tromp.

Atletismo Escolar categoria 2 y 3 mucha homber y mucha muhe:

Ganado categoria 2 mucha homber no miembro di club 1 Phillip Kooi Mon Plaisir Basis School, 2 Miguel Perez Scol Basico Washington, 3 Kendal Tromp Scol Basico Wasington.

Ganado categoria 3 mucha homber no miembro di club 1 Kymani Hazel Mon Plaisir Basis School, 2 Rayner Kock Pius X School, 3 Jayqion Richardson Scol Basico Washington.

Ganado categoria 2 mucha muhe no miembro di club 1 Mia Jansen Colegio Sagrado Curazon, 2 Senna Stooter Mon Plaisir Basis School, 3 Edilianne Croes Colegio Laura Wernet Paskel.

Ganado categoria 3 mucha muhe no miembro di club 1 Junaily Carty Colegio Laura Wernet Paskel, 2 Richantely Jamanika Sint Paulus School, 3 Yenti Van Kast Scol Basico Washington.

Ganado categoria 2 mucha homber miembro di club 1 Uraijah Erasmus Prinses Amalia Basis School, 2 Matisse Maas Mon Plaisir Basis School, 3 Joaquin Jacobs Mon Plaisir Basis School.

Ganado categoria 3 mucha homber miembro di club 1 Fabial Harriott Sint Paulus School, 2 Xyon Jacobs Colegio San Hose, 3 Neyton Giel Sint Anna School.

Ganado categoria 2 mucha muhe miembro di club 1 D'Sheila Milan Pius X School, 2 Richinelda De Jong Sint Anna School, 3 Tibisay Tromp Colegio San Hose.

Ganado Categoria 3 mucha muhe miembro di club 1 Naraya Doornkamp Prinses Amalia Basis School.

Volleyball:

Den luna di februari tambe a tuma luga competencia di volleyball den categoria B mucha homber unda cu prome y di dos luga di cada sector a clasifica pa e gran final cu a tuma luga na Compleho Deportivo Frans Figaroa.

Despues di algun dia di competencia campeon di volleyball categoria B mucha homber a keda Colegio Sagrado Curazon, na di dos luga a keda Maria School, na di tres luga a keda Sint Anna School y na di cuater luga a keda Colegio Cristo Rey/Sint Michael School.

IBISA kier a felicita tur scolnan cu a participa na diferente evento deportivo escolar y tambe esnan cu a gana derecho di participa pa weganan inter-insular 2023 y tambe weganan escolar WE Aruba 2023.

Meta pa sigui eleva calidad di cuidu ta sigui sobresali na HOH

Ocho colega mas na HOH ta logra certifica pa Basis Acute Zorg

Un grupo disciplina y dedica na brinda miho cuidu ta certifica awo

Siman pasa na Horacio Oduber Hospital a tuma luga un ceremonia virtual na unda a otorga na entre otro ocho (8) colega di HOH nan certificado cu ta identifica e gran logro cu ta hiba e number “Basis Acute Zorg” (BAZ). E trayecto aki a inicia durante pandemia como parti di e programa di enseñanza di Caribbean Health Academy (CARIBHA) financia pa Hulanda. Otro hospitalnan den region tambe ta participa y asina hunto un total di 27 estudiante ta termina di entre otro Fundashon Mariadal na Bonaire, Curaçao Medical Center na Corsou y tambe ImSan na Aruba. Despues di e estudio aki e studentenan por sigui cu e trayecto pa specialisa den Cuido Intensivo, Cuido Cardiaco, Recovery y tambe Departamento di Emergencia.

“Mi ta masha orguyoso di mira e gran resultado aki”, tabata e prome palabranan di sr. Jacco Vroegop di Hunta di Directiva di HOH. Esaki no lo por a wordo realisa sin ayudo di VWS Hulanda y VUmc Amstel Academie. Ta fantastico di mira e certificacion aki y cu 7 di e 8 colega lo continua cu e siguiente trayectoria y asina por conta riba sigui eleva calidad di conocimiento den nos cuidu medico. Nan a experiencia diferente situacionnan di pashent y a atende y siña debidamente. Como directiva di Hospital lo sigui traha activamente y kier colabora mas ainda riba educacion den nos region. Esaki sigur ta un logro grandi pa hospital, pa nos comunidad y pa nan mes. “Masha pabien”, asina e director a finalisa bisando.

Dwight Lopez, estudiante di BAZ, durante su discurso a yama tur hende bonbini y a gradici tur cu a brinda nan sosten durante tur e lunanan cu nan tabata bezig. Alabes el a gradici VWS pa e oportunidad aki, caminda online nan por a traha hunto cu demas colega di Boneiro y Corsou. “Nos a siña observa y comunica di un manera metodico”, Lopez a splica esunnan presente. El a finalisa bisando cu ta spera cu e cooperacion entre Hospital y VUmc por sigui crece.

Jenieva Bartholomew, otro estudiante di BAZ actualmente ta riba e piso di Cuido Intensivo haciendo su stage. Locual mas e ta gusta di e estudio ta cu e por desaroya su conocimiento y e ta mira e certificacion aki como un ‘stepping stone’ pa crece mas den conocimiento y brinda un cuidu di calidad.

Daisy van Leeuwen, Clinical Teacher in opleiding, a duna di conoce cu e estudio aki a cuminsa cu un etapa di preparacion na juni den cuater parti, caminda den grupo e studentenan ta siña brinda cuidu den caso di un situacion agudo. Shete di e studentenan aki lo continua awo cu e estudio di



cual 5 lo sigui den cardiac care y 2 den intensive care. Esaki ta nifica cu dentro di algun tempo, Aruba lo por conta riba nan experiencia y dinamismo ofreciendo cuidu di calidad halto segun estudio renombra.

Nos ta felicita tur colega cu a logra certifica pa Basis Acute Zorg esta Dwight Lopez, Giorgio Amadtjais, Surayma Tromp, Stephanie Ras, Nicole Lin-Tsung, Gilly Maduro, Jenieva Bartolomew y Shirley Kerpens. Nos ta aplaudi nan pa nan dedicacion pa continua y logra mas pa eleva calidad di cuidu na HOH y Aruba! Masha Pabien!

Na e debate general CSW 67, Commission on Status of Women na Nacionnan Uni,

Un biaha mas Prome Minister ta lidera e delegacion di Reino Hulandes

Prome Minister Evelyn Wever-Croes ta na Nacionnan Uni, New York pa un bishita di trabou en conexion cu e debate general CSW 67, Commission on Status of Women. Un biaha mas, Prome Minister ta lidera e delegacion di Reino Hulandes.

E tema di e aña aki ta “Innovation and technological change, and education in the digital age for achieving gender equality and the empowerment of all women and girls”. Prome Minister lo elabora riba e posicion di hende muhe na Aruba y den Reino, y lo comparti e vision, plannan y iniciativanan di Aruba. Tambe, durante su bishita, Prome Minister lo purba haya fondo y mas proyecto pa fortifica e posicion di hende muhe na Aruba, Corsou, Sint Maarten y Hulanda.

Prome Minister en conexion cu e tema di e aña aki, a expresa: “Aruba ta luchando cu e mesun retonan cu paisnan grandi y ta hunto nos por sali afo. Den e tempo moderno aki tecnologia ta permiti hende muhe tin acceso na tur informacion, pa e hende muhe por desaroya su mes. Pero tin un parti negativo di tecnologia. Nos no mester permiti tecnologia wordo uza pa perhudica e hende muhe, pa ofende ni menasa hende muhenan. E ta tuma un esfuerzo conhunto di nos tur pa bringa esaki!

Tecnologia ta e caminda pa futuro y ta e area cu hende muhenan casi no ta representa. Awor ta e momento pa nos enfoca y crea mas oportunidad pa hende muhenan den e area aki, y sostene participacion di hende muhe den e area di tecnologia. Sino, nos lo perde tur e avancen cu hende muhenan prome cu nos a logra. Hunto nos por logra esaki”.



Descubri bo potencial cu SKOA

Aplicacion pa scolnan basico y secundario a cuminsa!

Na SKOA nos ta kere cu educacion ta e yabi pa descubri bo potencial completo. Esaki ta e oportunidad pa mayornan aplica nan yiuunan pa e proximo aña escolar y join nos comunidad di studiantenan pa experiencia kico tur nan por logra na nos scolnan.

Beneficianan di SKOA

SKOA su meta primordial ta enfoca ariba e desaroyo y crecimiento en general di cada mucha y ta ofrece educacion di calidad cu ta enfatisa balornan Catolico, comunicacion na nivel multilingual, diversidad, innovacion y actividadnan extra-curricular. Alumnonan di SKOA por spera di ricibi un educacion completo cu ta prepara nan pa nan futuro.



Aplica completamente digital

Por aplica via nos website www.skoa.aw pa asina inscribi completamente online. Por aplica via email na aplicacion@skoaa.w. Por aplica tambe via WhatsApp na +297 748 5995 y sigui e pasonan pa completa e aplicacion. Ora di aplica mester pone bon atencion ariba e documentonan necesario pa asina por cumpli cu e proceso di inscripcion di cada yiu exitosamente. Pa mayornan cu ya caba tin yiu inscribi na SKOA por haci aplicacion di e yiu cu ta bay cuminsa basis via nos sistema di SAS.

SKOA t'ey pa guia tur mayor durante e proceso di aplicacion. Pa mas informacion bishita nos website www.skoa.aw of por yama nos directo na (+297) 523 1800 durante orario di oficina.

Minister Geoffrey Wever:

Curso Finanzas den mi hogar ta continua

Despues di e prome sesion exitoso unda cursistanan a ricibi informacion valioso con por ta efectivo den cas door di wak con por spaar y cumpra sin emocion, e curso Finanzas den mi hogar a continua cu su di dos sesion den distrito di San Nicolas.

Den e di dos sesion a enfoca riba pago di debe y kico lo pasa ora no por paga e debe mas. Un topico actual y interesante cu sigur ta necesario pa duna atencion na esaki.

Segun sondeo di Banco Central di Aruba di juli 2021 over di e bienestar financiero di hogarnan, 3 den cada 10 hogar ta gasta mas di loke tin na entrada. E mesun sondeo ta indica cu solamente 1.8% di e hogarnan cu a participa por wordo considera financieramente fit, y 16.4% por ser considera financieramente stabiel.

Un porcentahe halto 81.8% ta cay den e categoria financieramente dependiente (34.2%), financieramente afligi (19.4%), financieramente vulnerabel (11.7%) y financieramente fragil (16.5%).

E cifranan over di e salud financiero di nos hogarnan ta indica e importancia pa nos ciudadanonan por tin acceso na



cursonan gratis cu por ta un apoyo den e maneho diario di nan cartera.

Papia abiertamente over di e salud di nos cartera no ta algo facil. Pero ta necesario facilita un espacio sigur unda cu nos ciudadanonan por yega y haya e apoyo den forma di un curso cu lo contribui na un miho manera di maneha nan cartera na un manera responsabel y segun nan situacion personal. Door di facilita e curso Finanzas den mi Hogar den un forma gratis nos ta brinda e apoyo necesario na nos cuidadonan segun minister Geoffrey Wever.

UNESCO-Aruba cu mas cooperacion entre e Comisionnan Nacional di UNESCO den Reino Hulandes

Aña 2023 a habri sumamente dinamico y fructifero pa Aruba su Comision Nacional di UNESCO. Desde 2010 tanto Corsou como Sint Maarten a bira miembro asocia di UNESCO, hunto cu Aruba desde 1987. Manera ta conoci, e areanan di trabou di UNESCO ta Enseñansa, Ciencia, Cultura y Comunicacion & Informacion.

For di 13 pa 17 di februari 2023 a tuma luga un workshop pa specialistanan riba tereno di Patrimonio Cultural Intangibel (PCI). Pa Aruba a participa Sra. Ruby Eckmeyer, especialista pa e programa di cultura pa UNESCO-Aruba, hunto cu Sra. Ray-anne Hernandez, director di UNOCA.

Meta di e encuentro aki tabata pa crea un procedura di nominacion den Reino Hulandes y alabes pa duna tur e islanan di Caribe Hulandes e informacionnan necesario pa por ehecuta e convenio pa Salvaguardia Herencia Cultural Intangibel corectamente.

E secretariado di e Comisionnan Nacional di UNESCO tin un rol importante den esaki y e colaboracion entre e islanan ta di suma importancia ya cu nos tin hopi en comun riba tereno di cultura. Asina cu e rapport di e workshop ta cla, lo presenta esaki na e gremio cultural na Aruba pa planea con lo sigui cu e ehecucion di e convenio di PCI di UNESCO.

Despues cu a formalisa e secretariado di UNESCO-Aruba na 2020, UNESCO-Aruba pa prome biaha tin specialistanan pa coordina e programanan internacional di UNESCO. Aruba ta resorta atrobe desde 2019, bou di e oficina sub-regional di UNESCO na Kingston. Esaki ta nifica cu awor tur e 3 miembronan asocia di UNESCO di Reino Hulandes por traha hopi mas estrecho hunto riba tur e areanan di trabou di UNESCO cu ta keda ehecuta den Region Caribe.

Den luna di februari Sra. Anna Paolini, directora di UNESCO-Kingston a bishita Aruba, unda e tabatin un encuentro cu entre otro Minister di Finansa y Cultura, Sra. Xiomara Maduro, kende ta presidente di e comision nacional di Aruba. A discuti varios tema y a palabra pa intensifica e cooperacion entre e oficina na Kingston, e secretariadonan di cada pais den regio y representante fiho di Reino Hulandes na Paris. Den cuadro di e cooperacion den Reino e Secretaris-Generalnan ta reuni structuralmente cada dos luna.

E reunion na februari ultimo a tuma luga na Den Haag, unda cu e especialista di cultura di UNESCO-Aruba a representa



Ray-anne Hernandez, director di UNOCA hunto cu Ruby Eckmeyer, especialista di cultura di UNESCO-Aruba



Representante di UNESCO Aruba, Corsou y Sint Maarten na secretariado di UNESCO Hulanda

Sra. Marushka Tromp, actual Secretaris-General pa Aruba. Relaciona cu e palabracionnan pa intensifica e cooperacion entre e diferente organonan di UNESCO, for di 6 pa 8 maart venidero lo ta di bishita na Aruba dos representante for di UNESCO-Paris. Ta trata aki di Sra. Monique van Daalen, embahadora extraordinario y plenipotenciario di e Delegado Permanente di Reino na UNESCO Headquarters, hunto cu su suplente Sra. Carlien Schrijvershof. Esaki ta e prome biaha cu Comision Nacional di Aruba ta ricibi bishita di e Delegado Permanente di Reino directamente for di Paris.

Aruba Doet 2023 ta cla pa cuminsa

Diabierna y diasabra dia 10 y 11 di maart 2023 lo tuma lugar e di 11 edicion di Aruba Doet! Un iniciativa di CEDE Aruba den cooperacion cu Oran-je Fonds, unda organisacionnan social y boluntarionan ta bini hunto pa haci trabou pa of actividadnan social cu un grupo di interes.

E inicio oficial di Aruba Doet lo tuma lugar diabierna awor na e proyecto di YMCA San Nicolas. E Gobernador di Aruba, Su Excelencia Alfonso Boekhoudt, lo ta presente pa marca e inicio oficial di Aruba Doet.

E proyecto di YMCA ta encera embeyeciendo e gang principal di e edificio pa haci'e mas agradabel pa tur e muchanan cu ta frecuenta esaki diariamente.

Hunto cu e proyecto aki, Aruba Doet tin



Diabierna y diasabra awor nos tin e di 11 edicion di Aruba Doet. Ainda nos ta falta boluntario. E projectonan cu necesidad mas grandi ta:



Number di organisacion	Project Description	Link di proyecto	Dia	Orario	Bario	Boluntario cu falta
The Sports Unlimited Foundation	Yuda promove e deporte di basketball Cambia e ruedanan di e basketball	https://www.arubadoet.com/aw/event/1300	Diabierna	5-8pm	San Nicolas	5
Little League Softball Aruba	Traha un backstop extra riba e cancha	https://www.arubadoet.com/aw/event/1202	Diabierna	5-7pm	San Nicolas	5
Stichting Bethel Nieuw Begin Aruba	Expande cu mas camber y un oficina Traha cama y renoba e sitio atrobe	https://www.arubadoet.com/aw/event/1031	Diabierna	12-5pm	San Nicolas	6
Grupo Scout Sint Joris	Mantencion di jardin y renobacion di plafon	https://www.arubadoet.com/aw/event/1442	Diasabra	9am-12pm	San Nicolas	5
Centro di Bario Playa Pabao	Cambia e pantaya di pelicula Pinta e pantaya y e sala di lesamento	https://www.arubadoet.com/aw/event/1351	Diasabra	8am-12pm	Oranjestad West	5
SV Ind Caravel	Cambia y renoba e dak di e clubhuis	https://www.arubadoet.com/aw/event/1213	Diasabra	8am-3pm	Santa Cruz	7
Scout Groep Baden Powell	Renoba cushina y baño Bai limpia rond di e edificio	https://www.arubadoet.com/aw/event/1064	Diasabra	8am-3pm	Oranjestad West	4
Fundacion Dominicana Arubanse JUAN PABLO DUARTE	Yuda cu un atardi di wega pa grandinan y muchanan y un bon cuminda	https://www.arubadoet.com/aw/event/1007	Diasabra	1-5pm	Oranjestad Oost	10

e aña aki un total di 193 proyecto cu mester di 3900 boluntario. Tin 3400 boluntario cu a registra caba, pero ainda tin mester di 500 boluntario mas pa por realiza tur e projectonan aki.

Aruba Doet ta invita esunnan cu no a registra ainda, pa bishita e website www.arubadoet.com pa mira y registra pa un di 193 projectonan of pa cualkier di e siguiente projectonan cu tin

un gran necesidad ainda na boluntarionan:

- Grupo Scout Sint Joris
- The Sports Unlimited Foundation
- SV Ind Caravel
- Little League Softball Aruba
- Scout Groep Baden Powell
- Stichting Bethel Nieuw Begin Aruba
- Fundacion Dominicana Arubanse Juan Pablo Duarte



Bons Slip

Na Biblioteca Nacional Aruba nan a ricibi un buki pa mucha nobo pa e coleccion nacional for di autora, sra. Olga Buckley. Cu orguyo y un sonrisa sra. Olga a entrega 2 ehemplar di su ultimo publicacion. ‘Bons slip’ ta un buki pa mucha den dos idioma, publica den dos buki separa. Sra. Olga Buckley a skirbi e buki aki. ‘Bons slip’ ta un buki pa tur mucha y mayor scucha, lesa y gosa. Louis ta un mucha curioso cu ta gusta e cabey di papi y mami y Louis e ta gusta cu nan ta diferente, e ta gusta cos dushi y holo dushi. Louis ta purba, mishi y mira y ta comparti su experiencia na un manera positivo y gracioso cu e lesado. Biblioteca tin diferente di Olga su publicacionnan den coleccion. ‘Bons slip’ ta obtenibel tambe na libreria.

E polis tin hopi mala suerte

Su chens pa gana demanda di mas cu 6 miyon florin contra gobierno ta zwak

WILLEMSTAD - Recientemente corte di husticia a trata claim di un polis pensiona cu a claim pagonan extra cu e no a haya. Nos a dicidi pa drenta den e materia y kibra cabes cu e calculacion tuma e fecha di e besluit como punto di salida cu ta 24 di augustus 2021. Esey asumiendo cu ainda e ta den servicio considerando cu e tin 46 aña den servicio.

Polis pensionado ke cu forsa retroactivo e dos claimnan aki:

75 florin pa dia cu forsa retroactivo fo'i 1 sept 2003. Laga nos pa facil sali cu ta tur dia e mester tabata na disposicion incluso weekend y dianan di fiesta.

2. Pues ta papia di aproximadamente 6.565 dia a rason di 75 florin pa dia ta Naf 492.375,-.

E la pidi ademas 2. 500 florin pa luna cu forsa retroactivo for di 10 di october 2010. Pues ta trata di un claim di aproximadamente 141 luna a rason di 500 florin pa luna cu ta suma Naf. 70.500,-

Pues total e polis ta claim di tin derecho te cu augustus 2021 un suma di Naf. 562.875,-.

Si tene cuenta cu e tarifa maximo lo keda aplica como tarifa di bijzondere beloning laga nos coy 47,5% pa facil, e persona lo mester ricibi Naf 295.510.- sin ainda tene cuenta cu deducccion di primanan social.

HOPI MALA SUERTE

E polis tin hopi mala suerte. E la bay corte y si e gana probablemente nan lo tin cu pag'e te cu e fecha cu el a sirbi den polis.

Minister sr. S. van Heydoorn ta yega na acuerdo cu

Universidad di Iberoamerica y Universidad Latina de Costa Rica

WILLEMSTAD – Continuando riba e mision pa habri horizonte nobo pa nos studiantenan, Minister di Enseñansa, Ciencia, Cultura y Deporte (ESKD) sr. Sithree van Heydoorn ta sigui crea oportunidad pa studiantenan di Corsou por studia den region. Na Costa Rica, Minister Sithree van Heydoorn den representacion di Ministerio di ESKD ta yega na acuerdo cu Universidad di Iberoamerica y Universidad Latina de Costa Rica.

Na tur e dos Universidadnan, ya tin studiantenan di Corsou cu ta studia eynan. E delegacion di Corsou tabatin e oportunidad pa a intercambia cu e studiantenan, pa asina conoce nan experiencia pero tambe nan retonan. Ta bon pa informa cu ya na Corsou nos tin mas cu 20 estudiante cu a termina nan estudio di dokter na Costa Rica. E delegacion di Corsou tambe a bishita e Universidad de Ciencias Medicas (UCIMED), cu ta un Universidad cu ya pais Corsou tin un acuerdo firma cune. y cu actualmente tin un cantidad di 35 estudiante di Corsou ta studiando. E facultad medico di UCIMED ta keda maneha pa un Arubiano cu a studia na y gradua na e Universidad mes y cu ta señor Sprok.

Na tur e Universidadnan aki, ya nan no ta haci uzo di cuerpo humano pa e studiantenan practica medicina riba, pero e

practica ta tuma luga cu popchinan computarisa cu por simula e diferente situacion nan di un curpa humano. E delegacion di Corsou a keda impresiona pa calidad di e material cu e Universidadnan aki ta haci uzo di dje. Ta bon pa menciona cu e Embahador di Reino Hulandes na Costa Rica sra. Christine Pirenne a compañía e delegacion di Corsou na tur e encuentronan.

E riba diabierna anochi e Embahador a organisa un cena na su cas pa e delegacion di Corsou por a cera conoci y dialoga cu Minister di Enseñansa di Costa Rica cu ta sra. Catharina Muller. Hunto cu e sra. K. Muller, tabata presente autoridadnan na nivel halto di enseñansa di Costa Rica. Sra. Catharina Muller tin un carera impresionante den diferente funcion cu su persona a ocupa den organisacion mundial y paisnan di Latino America.

Tabata un honor pa e delegacion di Corsou di por a intercambia cune riba varios tema relaciona cu enseñansa. Manera ya nos a informa meta di e acuerdonan aki ta pa nos studiantenan, studia mas cerca di cas y asina regresa bek nan pais y tambe pa evita mas "brain drain". Cu esaki Ministerio di ESKD ta sigui traha na bienestar di nos enseñansa, caminda ta sigui crea oportunidad di studio den region.

Fortaleza Pa Famia

Tin seis cos cu señor ta odia, si shete cos cu ta un abominacion p'e

ORA nos tende of lesa cu tin 6 cos cu Señor ta odia, si 7 cos cu ta un abominacion pa Dios, hende lo reacciona mes ora y bisa cu Dios ta amor, con por ta posibel cu Dios ta odia.

Tur hende mester sa cu Dios no ta odia hende, pero si e ta odia e pica cu hende ta haci, pasobra e pica ta bini di e malvado, y ora nos haci pica nos ta desobedece Dios, y esey ta lanta furia di Dios (Colosensenan 3:5+6).

E 6 cosnan cu Dios ta odia y e di 7 cu ta un abominacion pa Dios ta para skirbi den Proverbionan capitulo 6 :16-19.

Cara Orguyoso, (wowo altanero).
Un lenga mentiroso.
Mannan cu ta drama sanger inocente,
Un curason cu ta plania maldad,
Pianan cu ta lihe pa core haci maldad,
Un testigo falso cu ta papia mentira,
Y esun cu ta sembra (continuamente) desunion entre rumannan.

Cara orguyoso ta bini di un mente orguyoso, y tur hende mester ta na altura na unda orguyo a cuminsa. Orguyo a cuminsa den cielo y nos tur mester lesa esaki den Ezekiel 28: 12-19 y Isaias 14: 12-15, caminda cu nos tur por sa cu Dios a crea angel Lucifer cu a bira orguyoso y kier a tuma lugar di Dios y kier a sinta riba e stoel di Dios. E a rebeldia contra Dios hunto cu un tercera parti di angelnan den cielo, y tabata tin un bataya den cual Lucifer y su compiche nan a perde y a wordo saca na mal ordo for di cielo.

For di eynan nos tin cu realisa cu orguyo ta bini prome cu cu caida. Y esey nos por comproba tambe den e palabra di Dios cu ta bisa den Santiago 4:4-6 ;
Boso adulteronan, boso no sa cu amistad cu mundo ta enemistad pa cu Dios?
P'esey ken cu kier ta amigo di mundo ta haci su mes enemigo di Dios.
Si boso ta kere cu envano Escritura ta papia: E ta anhela celosamente na e Spirito, kende E a haci biba den nos?
Ma E ta duna un gracia mas grandi ainda.
P'esey Escritura ta bisa: Dios ta resisti e orguyosonan ma ta duna gracia na e humildenan.

Si tur mayor splica nan yiunan e Seis cosnan cu Dios ta odia y e di Shete cu ta un abominacion pa Dios, awel nos lo a evita hopi pelea na scol y riba caya.
Pasobra nos ta biba den tempo trabahoso, y maldad ta skeiro tur caminda, y nos mester purba tur manera di evita cu nos yiunan di un of otro forma ta cay den gara di e enemigo.

Y si e palabra di Dios wordo aplica tur momento den nos bida, e nivel di integridad den comunidad lo ta hopi halto, hasta e gasto di asuntonan social y criminalidad lo baha si hende por a tene nan mes na e palabra di Dios.

Bo puntra cualkier mucha di scol riba caya, si e a yega di tende di Proverbionan 6;16-19 na scol e lo bisa bo absolutamente cu no, pasobra na scol e cosnan ey no ta wordo introduci na muchanan pasobra Bijbel a wordo saca for di scol. P'esey nos como mayor mester haci esaki un parti primordial di nos educacion na cas, pa asina evita, confrontacion innecesario.

Pero que hubo di nos mes como hende grandi, esaki pa nos mes tambe, cuanto divorcio, violencia relacional, violencia domestico, rabia e pleito por wordo evita, si nos a tene nos mes na e palabra di Dios.

Sinceramente, Pastor Marcel Balootje



"Señor bo ta mi fortaleza
Señor ta mi barranca, mi forti
Doño dimi alma
Di ken lo mi tin miedo?"

Cu dolor na nos curason, nos ta anuncia
fayecimento di:

Sra. Elvira Felepina Oduber

Cariñosamente yama "Tante E of Nani"
*09-09-1950 - †05-03-2023

Na number di su yiu: Zahaira Arends

Nieta: Zoë Arends

Su rumannan:

Joseph (Freddy) Oduber
Clemente y Barbara Oduber
Walter y Yomaira Oduber
Oswald (Chin) y Mervelin Oduber
Nelson y Glenda Oduber
Mirtha Oduber
Franklin (Kenky) y Margareth Oduber
Charles (Chali) y Yolanda Oduber
Ruben Oduber
Adelaida Oduber
Nilo (Gachi) y Grisela Oduber
Mary Oduber

Subrina(o)nan y famia:

Charles, Kenky, Rosie, Giovanni, Jowalt, Walmaira,
Oslin, Jean-Pierre, Guiselaine, Glenson, Dangui,
Nelson Jr, Daniel, Charlène, Charleson, Jeanne-
Marie, Fedor, Dara, Zane, Lionel y Jouselle

Cuido: Dr. Singh, Lola Geerman, Sandra Koolman,
Soraya Maduro, Marlon Thode, Rosa Arends y
Alicia

Famianan: Oduber, Arends, Croes, Jonkhout,
Yarzagaray, Johnson, Danies, Solognier, Bernstein,
Kelly, Palfit, Alberts, Spellen, Legito, Arias-Navarro,
Faarup, Maduro, Bislik, Rasmijn, Donata, Vljic, De
Ponte, Gharib, Inocencia, Toppenberg y demas
famia

Ta invita pa acto di condolencia y despedida
cual lo tuma lugar na Aurora Funeral Home
diahuebs 9 di maart 2023 di 1'or pa 4'or di atardi.
Cremacion lo tuma lugar despues den seno
familiar.

Despensa nos si den nos tristeza nos por lubida un
of otro famia

Disculpa nos pero despues di despedida nos no
ta ricibi condelencia na cas

Embes di flor of krans lo tin un box disponibel di
Koningin Wilhelmina Kankerfonds



Jehova is mi pastor, nada me faltara.
Salmo 23:1

Hilario Dijkhoff

Mihor conoci como: "Jay"
*14-01-1944 †05-03-2023

Acto di entierro lo wordo anuncia despues.



Laga tur loke ta spera mi ta bunita
Laga tur locual cu mi encontra
na caminda ta bunita
Laga tur locual cu mi laga atras keda bunita y
Laga esakinan termina den tur bunita.
Cado Wever.

Cu profundo tristeza nos ta anuncia cu a fayece:

Rey Tromp

*28-10-1951 - †26-02-2023

Na number di su:

Esposa: Maria Ramona Reyes

Yiu di criansa: Jaquelis Cacillas

Rumannan:

Casimiro Tromp
Cristina Tromp
Filomena Tromp

Sobrino(a)nan:

Eric Tromp
Sussy Lacle
Carlina Ortega
Israel Ortega
Xiemena Ortega
Sarah
Sharuska
Miriam Tromp

Bisñanan Stima:

Linda, Gerlin y Maria

Demas famia, su amigonan di Madiki, primo(a)
nan y tur famia Tromp

Despensa nos si den nos tristeza nos por a lubida
un of otro persona

Ta invita demas famia, bisña, amigo- y
conocirnan, pa e acto di despedida cual lo tuma
lugar **Diabierna 10 di maart 2023**, for 2 or pa 4 or
di atardi na Aurora Funeral Home. Cremacion lo
tuma lugar den seno familiar.

Ta lamenta cu despues di despedida no ta ricibi
bishita di condolencia na cas.



Gradicimento y Invitacion

Pa medio di esaki famia kier a gradici tur esnan
cu na un manera of otro a duna nos sosten,
consuelo y forsa durante e tempo dificil cu e
fayecimento y entierro di nos defunto stima:

Romulo Simeon Ruiz

Boso muestra di atencion ta di hopi aprecio y
un gran sosten pa nos. Un danki na un y tur cu a
manda carchi, krans, whatsapp, email y a hasi
yamada nan telefonico.

Tambe na Aurora Funeral Home pa cu su bon
servicio y atencion.

Boso muestra di atenshon tabata un gran
consuelo pa nos.



Gradicimento/ Invitacion

Pa medio di esaki famia kier a gradici tur
famia, amigonan y conocirnan cu di un
manera of otro a musta nan atencion y
a duna nos sosten durante enfermedad,
fayecimento y entierro di nos defunto stima:

Myloushka Wernet Burleson

Un danki special ta bai na Dr Marcel
Ho-Kang-You, Dr Selene Kock pa nan
tremendo trabao.

Na afdeling oncologie di H.O.H.
Tambe na Konigin Wilhelmina Kankerfonds.

Na Aurora Funeral Home danki
pa nan bon servicio.

Danki for di profundo di nos curason.
Tambe ta invita pa compaña nos na 3
santo sacrificio di misa cu lo tuma lugar:
diamars 7 di maart 2023 pa 5:30 p.m di
atardi na Kapel di Alto Vista,

diahuebs 9 di maart 2023 pa 7:00 p.m na
Pro Cathedral San Francisco,

diaberna 10 di maart 2023 pa 7:00 p.m di
anochi na Pro Cathedral San Francisco

Despues di misa tin un rosario na cas.

When I am
afraid, I put my
trust in **YOU.**

—Psalm 56:3, NIV





Tur cos aki na mundo tin su ora y su tempo,
Ora pa nace y ora pa muri, ora pa yora
y ora pa hari, Ora pa keda keto y ora pa
papia, ora pa stima y ora pa odia, Ora pa
guerra y ora pa paz"
Predicador 3:1-2-4-7-8

Cu hopi tristesa pero conforme cu
boluntad di Dios nos ta anuncia cu a bay
laga nos den brasa di Señor

Evarista Kelly-Maduro
Cariñosamente yama "Dudi"
*26-10-1938 - †03-03-2023

Casa:
† Antonio Kelly

Yiunan:
Eusebio Wilfrido y Leta Kelly
Teodora Fransisca Kelly
Cristobal Fidencio Kelly

Nieto(a)nan:
Jeanise Irene y Jesus Paredes
Roxann Kelly
Reginald y Vanessa Kelly
Joseline Arrindell
Bisnieto(a)nan
Jonatan Paredes
Joshua Paredes
Alexa Kelly Ryliann Kelly
Reyvenn Kelly

Ruman:
Carmelo Maduro

Sobrino y sobrinanan

Cuña:
Imelda Maduro

Primo(a)nan, amigo y conocirnan, bisiñanan

Demas famia:
Maduro, Kelly, Werleman, Geerman, Roga,
Kock, Paredes, Croes

Ta invita pa acto di despedida cu lo tuma
lugar **diamars 7 di maart 2023** na Aurora
Funeral Home di 2'or pa 4'or di atardi.

Acto di cremashon lo tuma lugar den seno
familiar. Despues di cremashon no ta ricibi
bishiti di condolencia na cas.

Nos disculpa si den nos tristesa nos por a
lubida cualkier persona.



Gradicimento y Invitashon

Nos Famia kier a gradici di curason tur persona
cu a duna nos sosten, Consuelo, forza cu boso
presencia,y orashon durante e tempo dificil di e
fayecimento y entierro di nos defunto stima:

Eusebia Kelly Boekhoudt
Un danki na tur cu a manda carchi,
krans,mensajenan y yamadanan.
Boso muestra di atenshon ta di hopi aprecio y un
gran Consuelo pa nos .

Na mes momento nos ta invita,
famia y conocirnan pa compana nos na santo
sacrificio di misa na Misa Santa Filomena na
Paradera pa 7 or anochi:
Diamars 7 di maart
Diahuebs 9 di maart
Diabierna 10 di maart

Diabierna despues di misa nos ta reza na cas
Paradera 181.



Jehova es mi Pastor,
nada me faltará. Salmo 23:1

Cu dolor na nos curason, nos ta participa
fayecimento di nos ser stima:

Vincente P. Lampe
*19-07-1949 - †03-03-2023

Na number di su:
Casa: Maria Antonia Lampe

Yiunan:
Jandor Lampe
Ivelisse Lampe
Evelyn Lampe-Veen
Romer Lampe

Ruman: Martilia Lampe Curiel

Nuera: Santa Lampe

Nuero: Marcel Veen

Nietonan:
Bryan Veen, Kevin Veen, Lannys de Mey,
Ismahilyn de Mey, Pamela de Mey, Richelisse
van den Berg, Stanley Lampe, Perla Lampe,
Shainy Lampe, Solange Lampe, Kaina Lampe,
Shandel Lampe, Marianny Lampe, Jader Lampe

Demas famia:
Lampe, Curiel, Hernandez, Gonzales, van den
Berg, de Mey, de Jesus, Veen

Ta invita pa acto di entierro cual lo tuma lugar
diahuebs 9 di maart 2023 na Royal Funeral Home
di 9'or pa 11'or di mainta. Despues lo sali pa
Santana Central Sabana Basora.

Condolencia lo tuma lugar diaranson 8 di maart
2023 na Royal Funeral Home di 7'or pa 9'or di
anochi.

Nos disculpa si den nos tristesa nos por a
lubida algun famia of conocir.



"Señor ta mi wardador,
mi'n tin falta di nada
Den cunucu di yerba berde
e ta ponemi sosega.
E ta hibami na awa frankil,
Pa mi bolbe haña forsa".
Salmo: 23

Nos ta anuncia fayecimento di:

**Manuel Goncalves
Norberto**
*09 maart 1929 Madeira
+25 Februari 2023 Aruba

Na number di su:
Esposa:
†Nueva Norberto-Rasmijn

Yiunan:
†Manuel Juan Benjamin Norberto
Maria Elizabeth Norberto
†Maria Angelina Norberto
Jose Pedro y Eliana Norberto-Teles
Jose Fernando y Loraine Norberto-Tromp

Nieto(a)nan:
Ivo Valdes y Nathalie Kreekel
Raymond Valdes y Stephanie Donata
Sarah Norberto na Brasil
Pedro Norberto na Brasil
Isabella Norberto
Carolyne Norberto

Bisanieto(a)nan:
Lincoln y Myleight Valdes

Rumannan:
†Maria Angelina Gonçalves na Brasil
†Jose Antônio y Vera Gonçalves Norberto y Famia
na Brasil
†Maria Isabel Norberto y Famia na Brasil
†Maria Rosa Norberto y Famia na Brasil
†Maria Alda Norberto y Famia na Brasil
Maria Martha Norberto y famia na Brasil

Sobrino(a)nan: na Aruba y na Brasil

Swa y cuñanan:
Ica Rasmijn y Famia na Hulanda
†Jose Rasmijn Y Famia
†Alberto Rasmijn y Famia
Emerita Rasmijn y Famia
Felix Rasmijn y Famia na Corsow
Dilia Rasmijn y Famia
†Jet Rasmijn y Famia
Pedro Rasmijn y Famia

Amigo di cas: Carlito Weller

amigo y amiganan y conocirnan di Fundação
Social Cultural Portuguesa
Tur cu a cuide na Cas Cristella

Demas famia: Norberto, Rasmijn, Valdes, Teles,
Tromp, Kreekel, Donata, De Cuba, Jansen,
Filiciana, De Veer, Van der Biezen, Weller,
Winterdaal, Shada, Norberto, Rasmijn, Valdes,
Teles, Tromp, Kreekel, Donata, De Cuba, Jansen,
Filiciana, De Veer, Van der Biezen, Weller,
Winterdaal, Shada, Maduro, Kock, Ras y van der
Linden

Despensa nos si den nos tristeza nos por a lubida
un of otro persona

Ta invita pa e acto di despedida cu lo tuma
lugar diahuebs 9 di maart 2023 na Aurora Funeral
Home di 9:00 pa 11:00 di mainta, sigi pa e acto di
cremacion.





AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com